

Nalinginnaasumik nassuiaatit

Inatsisartut Naalackersuisullu pillugit Inatsisartut inatsisaata allannguuteqartinnissaanik siunnersuummi inatsisip oqaasertai marlutsigut erseqqissarneqarput. Ilaatigut erseqqissarneqarput Inatsisartut Kukkunersiuinermut Ataatsimiititaliaata suliaasai ilaatigullu Inatsisartut isumaqatigiinniarnersa tamanut saqqummiunneqartarneranni suliaassat.

1. Inatsisartut Kukkunersiuinermut Ataatsimiititaliaata suliaasai.

2001-imi ukiakkut ataatsimiinnermi oqaluuserisassaq 59-itut Inatsisartut oqaluuseraat inatsisartunut ilaasortat arlallit tamarmik Inatsisartut Nunatta Karsiata naatsorsuutaasa kukkunersiorneqartarnerannut ataatsimiititami ilaasortaasut aalajangiiffigisassatut siunnersuutaat. Aalajangiiffigisassami ilaatigut siunertarineqarpoq Kukkunersiuinermut Ataatsimiititaliap ingerlatsinermik kukkunersiuinnaanermut ersarissumik pisinnaatitaalernissaa.

2001-imi ukiakkut ataatsimiinnermi Inatsisartut aalajangerput siunnersuut Inatsisartut Inatsiseqarnermut ataatsimiititaliaanut suliaasanngortinneqassasoq. Inatsiseqarnermut ataatsimiititaliaq 2002-mi upernaakkut ataatsimiinnermi oqaluuserisassami 34-mi siunnersuut pillugu isumaliutissiissuteqarpoq. Inatsisartut Inatsiseqarnermut Ataatsimiititaliaata tikkuarpaa Inatsisartut Naalackersuisullu pillugit inatsisip piareersarnerani ingerlatsinerup kukkunersiorneqartarnera pillugu apeqqut suliarineqarsimasoq inatsisartut inatsisaanni aalajangersakkani ersarissumik takussutissaqanngitsoq Inatsisartut Kukkunersiuinermut Ataatsimiititaliaat sunik suliaqassanersoq. Inatsisartut Inatsiseqarnermut Ataatsimiititaliaata siunnersuutigaa inatsisartut inatsisaat allanngortinneqassasoq Kukkunersiuinermut Ataatsimiititaliaq ingerlatsinermik kukkunersiuinnaanera ersarissumik tunngavissillugu. Inatsiseqarnermut Ataatsimiititaliap isumaliutissiissutaa Inatsisartut akueraat.

Inatsisartut Naalackersuisullu pillugit inatsisip allanngortinnissaanik siunnersuummi matumani anguniarneqarpoq Inatsisartut Kukkunersiuinermut Ataatsimiititaliaata nalinginnaasumik kukkunersiuinerup saniatigut Naalackersuisut taakkualu ataanni suliffeqarfiit suliamut tunngassuteqartunik aaqqissuussisarnerannik kukkunersiuinnaanngortillugit.

Nunatta Karsiata naatsorsuutai pillugit naatsorsuusiornermut aalajangersakkat naatsorsuusiornermullu ilitersuutit immikkoortortat naatsorsuusiortartut sulinerminni atugarpiaannut pitsaanerpaamik naleqqussarumallugit, aammalu kukkunersiuinermut aningaasartuutit ikilisarumallugit 1990-imi aalajangerneqarpoq Qitiusumik Naatsorsuuseriffimmi suliffimmi namminermi kukkunersiuisoqarfik pilersinneqassasoq. Suliffimmi namminermi kukkunersiuisoqarfik ukioq kaajallallugu kukkunersiuinermik suliaqartarami Namminersornerullutillu Oqartussani immikkoortortat ikiorsersortarlugit ulluinnarni ingerlatseriaatsinik

ilisimasaqarluartuuvoq. Taamatut suliffimmi namminermi kukkunersiuisoqarneq Danmarkimi ministeriaqarfinni amerlasuuni kattuffinnilu angisuuni atugaavoq. Kukkunersiuinermut tamarmiusumut akisussaavoq kukkunersiuisoq naalagaaffiup akuerisaa Inatsisartunit toqqagaasoq, taamaattumillu kukkunersiuisup avataaneersup nakkutigisarpaa suliffimmi namminermi kukkunersiuisut sulinerat suleriaasiallu. Kukkunersiuisut taakkua marluk suleqatigiinnerat tunngavigalugu aningaasat kukkunersiorneqartarnerannut akissajaatit Naalakkersuisut aningaasaliissutaanni kontonut ilanngunneqartarput.

Inatsiseqarnermut ataatsimiititaq isumaliutissiisummini oqarpoq Ataatsimiititaliap malugaa Naalakkersuisut aarleqqutigigaat siunnersuutip kingunerisaanik aningaasartuutit qaffarujussuarnissaat allaffissornikkullu suliassat amerlinissaat. Taamaattumik ataatsimiititaliap ersarissassavaa ingerlatsinerup kukkunersiorneqartarnera soorunami atorneqassasoq Namminersornerullutik Oqartussat naapertuutinningsumik aningaasartuuteqartinnagit imaluunniit suliakkersorneqarpallaarnikkut aqutsiviit pisussaaffimminnik allanik isumaginnissinnaajunnaarsinnagit. Allatut oqaatigalugu ingerlatsinermik kukkunersiuisinnaatitaaneq eqqarsaatigilluarlugu atorneqassaaq, aammalu suliffeqarfimmi kukkunersiuisarnermi aningaasartuutit pisariillisaanikkut isertitanut naapertuutissasut.

Paasitinneqarsinnaatitaaneq

Inatsisartut sulinerat kikkulluunniit paasitinneqarsinnaanerit pillugu inatsisip avataaniippoq, taamaapporaaq kukkunersiuisoqarfinni namminersortuni sulianut tunngatillugu. Tamatuma kinguneraa innuttaasut Naalakkersuisullu piumasarisinnaanngimmassuk ingerlatsinermik kukkunersiuinermut tunngatillugu kukkunersiuisut nassuiaasiaat nalunaarusiaallu takujumassallugit, Kukkunersiuinermut Ataatsimiititaliaq aalajangertinnagu nalunaarusiat tamanut saqqummiunneqassasut.

Allannguutissatut siunnersuutikkut matumuuna aqunneqanngilaq nalunaarusiat nassuiaasiallu Inatsisartut Kukkunersiuinermut Ataatsimiititaliaata sulinerani atugassatut assersuutigalugu kukkunersiuisunit suliarineqarsimajunnartut kikkunniit tamanit takujumaneqarsinnaanerit.

Taamaattumik Naalakkersuisut suliaminnik aqqissuussisinnaanissaat pillugu siunnersuutigineqarpoq nalunaarusiat nassuiaasiallu ingerlatsinermut atatillugu suliarineqartut erngerlugit Naalakkersuisunut nassiunneqartassasut. Nalunaarusiat taamaattut Naalakkersuisunut nassiunneqarunik pisortat suliaannik kikkulluunniit paasitinneqarsinnaanerit pillugu inatsimmut ilaalissapput.

2. Inatsartut isumaqatigiinniarnersa tamanut saqqummiunneqartarneri

Inatsisartut Naalakkersuisullu pillugit inatsisartut inatsisaanni § 34 naapertorlugu Inatsisartut siulittaasoqarfiata pisussaaffigaa inatsisartut isumaqatigiinniarnersa kalaallisut qallunaatullu oqaasertalerlugit saqqummiunneqartarnissaat. 1979-imiit

ileqqulersimavoq oqallisigisimasat qeratasuunik ungalulernagit atuaganngorlugit (paperback) saqqummiunneqartassasut ilanngussartalerlugit.

Allannguutissatut siunnersuutikkut matumuuna anguniagaanngilaq tamanut saqqummeeriaatsip allanngortinnissaa, taamaattorli oqaatigineqassaaq internettikkut tamanut saqqummiisarneq aaqqiissutissatut naleqqussorinangimmat. Tassami innuttaasut internettimut isersinnaanerit killeqarpoq, aammalu ingerlatseriaaseqalersimannngilaq kingunissarput eqqarsaatigalugu elektronik atorlugu saqqummiussisarnermik qulakkeerisumik.

Ilanngussanut tunngasortaani periarfissaqalerpoq ersarissassallugu suna tunngavigalugu ullormut oqaluuserisassaq Inatsisartut oqaluuserisimaneraat paasisutissallu suut Inatsisartut aalajangerannut tunngaviusimanersut.

§ 34-imut ilassutissatut siunnersuummi ersarissarneqarpoq Inatsisartut Siulittaasoqarfiata isumagissagaa Inatsisartut oqallinnerisa tamanut saqqummiunneqarneranni ilanngullugit saqqummiunneqassammata ilanngussat ullormut oqaluuserisassap oqaluuserineqarneranut tunngasut.

Pingaaruteqarpoq Inatsisartut isumaqatigiinniarsimanerisa ilanngussartallit tamanut saqqummiuttarnerata salliutinneqarnissaa. Inatsisartut isumaqatigiinniarneri ilanngussartallit Namminersornerullutik Oqartussani allaffissornikkut ulluinnarni sulinermi pingaaruteqaqaat.

Oqaluttuarisaanermut tunngatillugu inatsisartut isumaqatigiinniarneri ilanngussartallit aalajangersumik aaqqissukkamik tamanut saqqummiunneqassaarpata Inatsisartut sulinerat inuiaqatigiinnullu kalaallinut pingaarutai oqaluttuarisaanermi amigaataalissapput. Assersuutigalugu Inatsisartut oqallisigisimasaasa ilanngussartallit saqqummiunneqarneri tamakkerlugit Grønlandicami takuneqarsinnaasariaqarput.

3. Tusarniaaneq

Allannguutissatut siunnersut inatsisartut 2002-mi upernaakkut ataatsimiinnermini aalajangigaata malitsigimmagu aammalu Inatsisartut oqallisigisimasaasa tamanut saqqummiunneqartarnerannut tunngasut pillugit Inatsisartut siulittaasoqarfiata suliaassai ersarissarneqarmata nalilerneqarpoq Inatsisartut Siulittaasoqarfiata avataaniit tusarniaaffigineqartarnera naammattoq. Inatsisartut Siulittaasoqarfiata oqaaseqaatai siunnersuummi ilanngunneqarput.

Tamatuma saniatigut siunnersuut Aningaasaqarnermut Pisortaqaarfimmut Qitiusumillu Naatsorsuuserisoqarfimmut tusarniaassutigineqarsimavoq. Aningaasaqarnermut Pisortaqaarfiup aarleqqutigaa inatsisartut oqaluuserisimasaasa ilanngussartallit saqqummiunneqartarneranni aningaasartuutissat. Taamatut aarlerinermut tunngaviuvoq siunnersuutip siusinnerusukkut ilusilersugaanera imatut paasineqarsinnaasoq allakkiat ataatsimiinnermi agguanneqartut tamarmik naqitiganngortinneqartassasut. Maannakkut § 34-imut allannguutissatut siunnersuummut nassuiaatini taamaammat erseqqissarneqarpoq ilanngussanut

tungasuni malittarisatut pingaarnertut taamaallaat pineqartut aalajangersumik isummerfigineqarsimasut, tassa inatsisissatut siunnersuutit, inatsisartut peqqussutissaattut siunnersuutit aalajangiiffigisassatullu siunnersuutit. Tamakkua tunngavigalugit Aningaasaqarnermut Pisortaqaarfik siunnersuutip mannakkutut isikkoqarnera akuerisimavaa.

4. Aningaasatigut allaffissornikkullu kingunissai.

Inatsisartut Kukkunersiuinermut Ataatsimiititaliaata suliassai.

Ingerlatsivinni ingerlatsineq kukkunersiuussagaanni pisariaqassaaq ingerlatsivik pineqartoq arlalinnik apeqquteqarfigissallugu, allakkianik assigiinngitsunik tunniusseqqussallugu, kiisalu pisariaqassappat ingerlatsivik nalunaarusianik suliqqassussalugu. Suliami tamatumani apeqqutaasorujussuuvoq ingerlatsivimmut kukkunersiuusut, Kukkunersiuinermut Ataatsimiititaliaq, qanoq annertutigisumik aallartitsiniarnerisq, kiisalu suliap naammassinissaa qanoq iliornikkut pissasoq ilimagineqarnerisq.

Tamatumani apeqqutaavoq ingerlatsinerup kukkunersiorneqarnerata kingunerisaanik apeqqutaavoq allaffissornikkut kingunissai, tassa ingerlatsinerup kukkunersiorneqarnerata kingunerissaneraa suleriaatsit atuuttut arlalitsigut allanngortinneqarnissaat tamannalu aningaasatigut qanoq kinguneqassanersoq.

Ingerlatsinerup kukkunersiorneqartarnissaata kukkunersiorneqartarnissaat Inatsisartut Kukkunersiuinermut Ataatsimiititaliaata aalajangiassaraa. Ingerlatsinerup kukkunersiorneranut aningaasartuutit, tamatumani ilanngullugit ingerlatsiviup nalunaarusiortarneranut aningaasartuutit, Inatsisartut aningaasaliinermut kontuisigut akilerneqartassapput.

2003-mut aningaasanut inatsisip akuerineqarneranut atatillugu Inatsisartut kontuinut aningaasaliisoqartariaqassaaq, Kukkunersiuinermut Ataatsimiititap ingerlatsinermik kukkunersiuisarneq 2003-mi aallartikkumassappagu.

Inatsisartut isumaqatigiinniarnnerisa tamanut saqqummiunneqartarnerat

Inatsisartut isumaqatigiinniarnnerisa ilanngussartalerlugit tamanut saqqummiunneqartarnerata kingunerissanngillaa Inatsisartut Siulittaasoqarfiata suliassanik aaqjissuussisarnerata allanngortinnissaa.

Inatsisartut Allattoqarfiata missingerpaa Inatsisartut isumaqatigiinniarnnerisa suli saqqummersinneqarsimanngitsut ilanngussartaasa saqqummiunneqarnissaat immikkut ittumik ataasiartumillu 800.000 kr.-it missaannik ukiunut marlunnut agguataarneqartussanik aningaasartuutaassasoq. Siunissami Inatsisartut isumaqatigiinniarnnerisa ilanngussartallit saqqummersinneqartarnissaat eqqarsaatigalugu Inatsisartut Allattoqarfiata anguniarpaa aningaasartuutit ullumikkut Inatsisartut Allattoqarfiannut aningaasatigut killiliussaasimasut iluannit aningaasartuutigineqartassasut.

Naqiterineq pisassaaq Inerisaavik/Pilersuiffiup naqiteriviani, aamma inatsisartut ataatsimissutaannik, Namminersornerullutik Oqartussat inatsisaannik inatsisiliaannik, tamatumani ilanngullugit aningaasanut inatsisissatut siunnersuut aammalu aningaasanut inatsit pillugu paasissutissat allaganngorlugit takussutissarsiornerat.

Inatsisartut Allattoqarfiata ilisimatitsissutigaa isumaliutigineqartoq Inatsisartut isumaqatigiinniarneri ilanngussartallit CD-rominngorlugit saqqummersinneqartalernissaat. Tamannali pillugu Inatsisartut Siulittaasoqarfiat suli inaarutaasumik aalajangiinngilaq.

Siunnersuutip aalajangersagartaanut ataasiakkaanut oqaaseqaatit

§ 1-mut

Nr. 1-imut

Aalajangersakkami erseqqissarneqarpoq Kukkunersiunerumut Ataatsimiititaliaq aalajangersinnaasoq ingerlatsinermik kukkunersiunissamik. Tamatuma peqatigisaanik Kukkunersiunerumut Ataatsimiititaliap ingerlatsinermik kukkunersiuisinnaanera killilerneqarpoq, tassa ingerlatamut aningaasatigut kukkunersiorneqareersumut.

Ingerlatsinerup kukkunersiorneqarnerani nalilernerqartussaavoq suliassat ataasiakkaat, pilersaarutit imaluunniit suliffeqarfiup ataatsimut isigalugu suliassai naammaginartumik ingerlanneqarsimanersut, aammalu angusat anguniakkanut naapertuussimanersut. Ingerlatsinerup kukkunersiorneqarnera ingerlanneqarsinnaavoq aningaasatigut kukkunersiunerumut atanngitsumik, soorlu naatsorsuusiortartut toqqakkat misissuiffigineratigut imaluunniit aningaasatigut kukkunersiunerup itisilerneratigut.

Nr. 2-mut.

Erseqqissarneqarpoq Inatsisartut isumaqatigiinniarneriisa tamanut saqqummiunneqarnerannut ilaasortaaq ilanngussat saqqummiunneqartarnerat. Tamatumani pingaartinneqarpoq Inatsisartut isumaqatigiinniarneri atuassagaanni nalilissagaannilu pisariaqarmat Inatsisartut isumaqatigiinniarnerminni tunngavigisimasaasa atuarnissaannut nalilersornissaannullu aamma periarfissaqarnissaq.

Naatsorsuutigineqarpoq ilanngussat ilanngunneqartarnerat pillugu atortussat ilanngunneqartarnerannut tunngasut ingerlatiinnarneqassasoq. Salliuillugu

pineqarput atortussat timitalimmik aalajangiinermut tunngasut, tassa inatsisartut inatsisissaannut siunnersuutit, inatsisartut peqqussutissaannut siunnersuutit aalajangiiffissassatullu siunnersuutit. Tamatumani pineqarput inatsisissat oqaaseqaatitallit ilanngussartallillu, allannguutissatut siunnersuutit, saqqummiussisutit, akissuteqaatit, Inatsisartut Ataatsimiititaliaanit isumaliutissiissutit kiisalu aalajangiiffisassatut siunnersuummut assigiinngitsunut atatillugu paasissutissat.

Maannamut pisarnej malillugu Aningaasaqarnermut Pisorta qarfiup naqitertarpai aningaasanut inatsit, ilassutitut aningaasaliissutinut inatsisit taakkunungalu atatillugu naqitertittakkat allat. Tassalu naqitertitat tamakkua Inatsisartut siulittaasoqarfiata inatsisartut oqallisigisimasaanik ilanngussartalinnik saqqummiuttagaanut ilaaneq ajorput.

Inatsisartut Siulittaasoqarfiat isumaqarportaaq atortussat Inatsisartut inatsisartut inatsisissaattut, peqqussutissaattut aalajangiiffisassaattullu siunnersuutit suliarineqarnerisa akuersissutigineqarnerisalu paasineqarnissaannut pingaarutilittut isigineqartariaqartut aamma ilanngunneqarsinnaasariaqartut.

Ukiuni kingullerni nalinginnaalersimavoq Naalakkersuisut sammisat assigiinngitsut pillugit nalunaarusiortarnerat inatsisartuni naalakkersuisunilu atugassanik paasissutissiinermut tunnganerusunik. Nalunaarusiat tamanullu saqqummiussat inatsisissatut siunnersuutitut aalajangiiffisassatulluunniit siunnersuutitut imaaliinnaq ilaagajunngillat. Tamatuma saniatigut ajornakusoortarpoq saqqummiussat annertussusiat ilusilersugaanerallu ilanngussatut ilanngutissallugu. Taamaattumik nalunaarusiat saqqummiussallu taamaattut pingaarnerusutut isiginnikkaanni ilanngussanut ilanngunneqarneq ajorput.

§ 2-mut.

Siunnersuutigineqarpoq inatsisartut inatsisissaat 1. juni 2003-mi atuutilissasoq.

Taamaalilluni Inatsisartut periarfissinneqarput 2003-mut Aningaasanut inatsimmi pingaarnersiulluni tulleriarinermut tamarmiusumut atatillugu ingerlatsinermik kukkunersiuisarnissamut aningaasatigut killiliussassat pillugit isummernissaminut.

Inatsisartut oqaluuserisimasaannik ilanngussartalinnik saqqummiussisarneq soorunami ingerlanneqartussaavoq inatsisartut ataatsimiinneri ataasiakkaat malillugit. Ukiunut matuma siuliinut sanilliullugu naatsorsuutigineqarpoq inatsisartut oqallisigisimasaasa ilanngussartallit saqqummiunneqartarnerat amigaataajunnartoq qanoq iliorfigisariaqasasoq.